

## (վարչական տույժ նշանակելու վերաբերյալ)

«15» դեկտեմբերի 2022թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գոռ Բակլաչյանս, քննելով Հայաստանի Հանրապետության քաղաքացի Դավիթ Ստեփանի Ստեփանյանի (անձնագիր՝ AP0423177, ծնված 22.08.1971թ., քաղաքացիությունը՝ ՀՀ, հասցեն՝ ՀՀ Արմավիրի մարզ, գ. Նալբանդյան 3 թղմ., 17 փ. 17 տուն) կողմից մաքսային կանոնների խախտման վերաբերյալ գործը,

**Պ Ա Ր Զ Ե Ց Ի****1. Գործի նկարագրությունը:**

Հայաստանի Հանրապետության քաղաքացի Դավիթ Ստեփանյանը 19.10.2022թ. /թիվ Դ/38152-2022/ դիմել է ՀՀ ՊԵԿ և հայտնել, որ իրեն կողմից 2021թ.-ի սեպտեմբերի 16-ին իրեն պատկանող «NISSAN - PRIMERA» մակնիշի ավտոմեքենայով մուտք է գործել ՀՀ: Մեքենայի ՀՀ-ում գտնվելու ժամկետ տրամադրվել է 1 տարով, որի շահագործման ժամկետը լրացել է 16.09.2022թ.-ին: Քանի որ գտնվում է այլ երկրում և առողջական խնդիրների պատճառով չի կարող ներկայանալ և երկարաձգել մեքենայի ՀՀ-ում գտնվելու ժամկետը, խնդրել է այդ գործառույթի իրականացումը թույլատրել Ռազմիկ Սլավիկի Գևորգյանին: Կից ներկայացվել է անձնագրի և մեքենայի վերաբերյալ փաստաթղթերի պատճենները:

**2. Սույն Վարչական գործի քննության համար նշանակություն ունեցող փաստեր:**

1. 15.09.2021 թվականին լրացված թիվ 5100033/150921/0000654370 մաքսային մուտքի օրդերի հիման վրա հետագա արտահանման պարտավորությամբ ժամանակավոր ՀՀ տարածք է ներմուծվել «NISSAN - PRIMERA» մակնիշի, (VIN-SJNTFAP12U0244075), 461TNP պետհամարանիշի 2005 թվականի արտադրության տրանսպորտային միջոց:

2. 15.09.2021 թվականին լրացված թիվ 5100033/150921/0000654370 մաքսային մուտքի օրդերի հիման վրա հետագա արտահանման պարտավորությամբ ժամանակավոր ՀՀ տարածք է ներմծված «NISSAN - PRIMERA» մակնիշի, (VIN-SJNTFAP12U0244075), 461TNP պետհամարանիշի 2005 թվականի արտադրության տրանսպորտային միջոցի՝ խախտման օրվա դրությամբ «Ներքին սպառման համար բացթողում» մաքսային ընթացակարգով հայտարարագրման դեպքում առաջացող մաքսային վճարները կազմում է, միասնական մաքսատուրք՝ 3 743 800 ՀՀ դրամ, բնապահպանության վճար՝ 231 664 ՀՀ դրամ:
3. 21.10.2022 թվականին ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնի ավագ մաքսային տեսուչ-իրավաբանի Ժ/թ-ի կողմից կազմվել է մաքսային կանոնների խախտման վերաբերյալ արձանագրություն: Գործի քննությունը նշանակվել է 25.11.2022 թվականին ժամը 11:30-ին, որի վերաբերյալ Դավիթ Ստեփանյանի փոստային և էլեկտրոնային հասցեներին ուղարկվել է ծանուցագիր, սակայն ծրարը վերադարձվել է «Տեղափոխված» նշագրմամբ: Համակարգում կատարվել է նշագրում «Քաղաքացու խնդրանքով առաքվել է էլ. փոստին՝ gevorganrazmik553@gmail.com»: Գործի քննությունը տեղափոխվել և նշանակավել է 15.12.2022թ.-ին ժամը 12:00-ին, որի վերաբերյալ վերջինիս փոստային և էլեկտրոնային հասցեներին ուղարկվել է ծանուցագիր, սակայն չի ներկայացել գործի քննությանը:
4. Սույն մաքսային կանոնների խախտման վերաբերյալ գործը քննվել է իարվահարաբերության պահին գործող ՀՀ մաքսային օրենսգրքի 219-րդ հոդվածի 2-րդ կետի ուժով: Վերջինս ըստ ՀՀ ՊԵԿ Ներքին անվտանգության վարչության կողմից տրամադրված տեղեկատվության գտնվում էր ՀՀ սահմաններից դուրս:
3. Սույն գործի փաստական և իրավական հիմնավորումները, վարչական մարմնի եզրահանգումները:

Եվրասիական տնտեսական միության մաքսային օրենսգրքի 264-րդ հոդվածի 1-ին կետի 3-րդ պարբերության համաձայն՝ Անդամ պետությունների ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով: Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

Իրավահարաբերության պահին գործող ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Իրավահարաբերության պահին գործող ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում» ազատ

շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Իրավահարաբերության պահին գործող ՀՀ մաքսային օրենսգրքի 219-րդ հոդվածի 2-րդ մասի ուժով սույն վարչական գործը քննվել է Դավիթ Ստեփանյանի բացակայությամբ /Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս/:

Վարչական իրավախախտումների վերաբերյալ գործերի վարույթը բացառող հանգամանքները սահմանված են Օրենսգրքի 247-րդ հոդվածով:

Քննարկելով Դավիթ Ստեփանյանի կողմից 20.10.2022 թվականին ՊԵԿ ուղղված դիմումը (Դ/38152-2022) վարչական մարմինը գտնում է, որ դիմումը ենթակա է մերժման քանի որ համաձայն եվրասիական տնտեսական միության մաքսային օրենսգրքի 264-րդ հոդվածի 1-ին մասի 3-րդ պարբերության՝ անդամ պետությունների ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով: Վարչական մարմինը արձանագրում է, որ Դավիթ Ստեփանյանը սահմանված ժամկետում չի արտահանել իր կողմից ժամանակավոր ՀՀ ներմուծված տրանսպորտային միջոցը կամ չի ձևակերպել այլ մաքսային ընթացակարգով: Սահմանված ժամկետում չարտահանելով վերոնշյալ տրանսպորտային միջոցը կամ չձևակերպելով այլ մաքսային ընթացակարգով նա ցուցաբերել է անգործություն, որի արդյունքում խախտվել է հետադարձ արտահանման պարտավորությունը: Իսկ ինչ վերաբերվում է այն հանգամանքին, որ վերջինս վատարող լինելու պատճառով չէր կարող կարող ներկայանալ ՀՀ, ապա նշվածի վերաբերյալ ոչ մի փաստաթուղթ չի ներկայացվել:

Ուսումնասիրելով գործում առկա փաստերը վարչական մարմինը գտնում է, որ 2014 թվականի արտադրության «NISSAN - PRIMERA» մակնիշի, (VIN-SJNTFAP12U0244075), 461TNP պետհամարանիշի 2005 թվականի արտադրության տրանսպորտային միջոցի հետագա արտահանման պարտավորության չկատարման համար Դավիթ Ստեփանյանի արարքում

առկա է իրավահարաբերության պահին գործող ՀՀ մաքսային օրենսգրքի 199-րդ հոդվածի 1-ին մասով նախատեսված մաքսային կանոնների խախտման հատկանիշներ, ինչը հիմնավորվում է վարչական վարույթի նյութերով:

#### 4. Եզրափակիչ մաս:

Հաշվի առնելով վերոգրյալը, ղեկավարվելով իրավահարաբերության պահին գործող ՀՀ մաքսային օրենսգրքի 199-րդ հոդվածի 1-ին մասով, 206-րդ, 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

### Ո Ր Ո Շ Ե Ց Ի

1. Իրավահարաբերության պահին գործող ՀՀ մաքսային օրենսգրքի 199-րդ հոդվածի 1-ին մասով նախատեսված մաքսային կանոնների խախտում կատարելու համար Հայաստանի Հանրապետության քաղաքացի Դավիթ Ստեփանյանին ենթարկել վարչական պատասխանատվության՝ տուգանելով՝ 1 987 732 ՀՀ դրամի չափով:
2. Որոշման մասին հայտնել Դավիթ Ստեփանյանին:
3. Պարզաբանել, որ համաձայն ՀՀ մաքսային օրենսգրքի 221-րդ հոդվածի 2-րդ մասի որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

*Սույն որոշմամբ նշանակված տուգանքի վճարման հաշվեհամարն է. **900005024055** (ՀՀ պետական բյուջե, կենտրոնական գանձապետարան, Արևելյան մաքսապուն-վարչություն, ԿՈՂ 29):*

**ԱՐԵՎԵԼՅԱՆ ՄԱՔՍԱՏՈՒՆ-**

**ՎԱՐՉՈՒԹՅԱՆ ՊԵՏ՝**



**ԳՈՒ ԲԱԿԼԱՉՅԱՆ**